

შპს „სასწავლო აღმზრდელობითი ცენტრი  
ჩვენი სახლი“ ს

ქალბატონო ნინო

კანონით დადგენილი წესის შესაბამისად გეგზავნებათ 2021 წლის 20  
სექტემბრის # SGG 2021-185/1 დადგენილება გაფრთხილების სახით  
ადმინისტრაციული სახდელის დადების შესახებ.

აქვე გაცნობებთ, რომ დადგენილების საფუძველზე ასევე  
დაგერიცხებათ შესაბამისი ოდენობის მიყენებული ზიანი საქართველოს  
ენერგეტიკისა და წყალმომარაგების მარეგულირებელი ეროვნული კომისიის 2009  
წლის 09 ივლისის #12 დადგენილებით გათვალისწინებული წესის შესაბამისად.

დანართი: დადგენილება (3 ფ)

პატივისცემით:



ქ.ბათუმი

დადგენილება #SGG 2021-185/1

20/09/2021წ

გაფრთხილების სახით ადმინისტრაციული სახდელის დადების შესახებ

- 1) დადგენილების გამომტანი ორგანო (თანამდებობის პირი): შპს „სოკარ ჯორჯია გაზი“ აჭარის რეგიონალური ოფისის უფროსი იურისტი გელა სირაძე.
- 2) საქმის განხილვის თარიღი: 20/09/2021წ
- 3) ცნობები იმ პირის შესახებ, რომლის მიმართაც განიხილება საქმე: შპს „სასწავლო აღმზრდელობითი ცენტრი ჩვენი სახლი“ აბ#2114843228 3/ს#445437867

საქმის ირგვლივ: ბათუმი, მ.აბაშიძის 50 სართული 2 ბინა 5-ში ბუნებრივი გაზის მომხმარებელ აბონენტად რეგისტრირებულია შპს „სასწავლო აღმზრდელობითი ცენტრი ჩვენი სახლი“, რომელთანაც აღრიცხვა წარმოებდა 08426292 მრიცხველით.

გეგმიური შემოვლის დროს, შემდგომი შემოწმების მიზნით მოიხსნა აღნიშნული მრიცხველი და გაიგზავნა ექსპერტიზის ეროვნულ ბიუროში შესამოწმებლად.

მიღებული 004556021 დასკვნით დადგინდა, რომ მრიცხველს აღენიშნება დაზიანება ბჯენის შეუსაბამობის სახით. ასევე შიდა მთვლელ მექანიზმს აღენიშნება გარეშე საგნის ზემოქმედების კვლები (იხ.დასკვნა)

2021 წლის 06 სექტემბერს შედგენილი იქნა ადმინისტრაციულ სამართალდარღვევათა ოქმი #SGG013412 რომელიც გაეგზავნა ადრესატს. მასვე კანონით დადგენილი წესით ეცნობა 2021 წლის 20 სექტემბერს 13 საათზე დანიშნული სხდომის შესახებ. გზავნილი მიუხედავად არაერთი მცდელობისა ვერ ჩაბარდა.

### შეფასება სამართლებრივი გარემოებებს შესახებ;

მტკიცებულებათა სრულყოფილი გამოკვლევის საფუძველზე განვმარტავ, რომ; ადმინისტრაციულ სამართალდარღვევად (გადაცდომად) ჩაითვლება სახელმწიფო ან საზოგადოებრივი წესრიგის, საკუთრების, მოქალაქეთა უფლებებისა და თავისუფლებების, მმართველობის დადგენილი წესის ხელშეშობა მართლსაწინააღმდეგო, ბრალეული (განზრახი ან გაუფრთხილებელი) მოქმედება ან უმოქმედობა, რომლისთვისაც კანონმდებლობით გათვალისწინებულია ადმინისტრაციული პასუხისმგებლობა. ამავე კოდექსის 96-ე პირველი პრიმა მუხლით: ელექტროენერჯის წარმოების ლიცენზიატის, გადაცემის ან განაწილების ქსელიდან ელექტროენერჯის ან ბუნებრივი გაზის (აირის) ტრანსპორტირების სისტემიდან ან განაწილების ქსელიდან ბუნებრივი გაზის (აირის) დატაცება, მიუხედავად დატაცების ფორმისა, ელექტროენერჯის ან ბუნებრივი გაზის (აირის) მოხმარება მისი აღრიცხვის გარეშე ან აღრიცხვის წესების დარღვევით. ადმინისტრაციულ სამართალდარღვევათა კოდექსის 236-ე მუხლის პირველი ნაწილის თანახმად: ადმინისტრაციული სამართალდარღვევის საქმეზე

მტკიცებულებას წარმოადგენს ყველა ფაქტობრივი მონაცემი, რომელთა საფუძველზე, საქართველოს კანონმდებლობით განსაზღვრული წესით, ორგანო (თანამდებობის პირი) დაადგენს ადმინისტრაციული სამართალდარღვევის არსებობას ან არარსებობას, პირის ბრალეულობას მის ჩადენაში და სხვა გარემოებებს, რომლებსაც მნიშვნელობა აქვს საქმის სწორად გადაწყვეტისათვის. ეს მონაცემები დადგინდება შემდეგი საშუალებებით: ადმინისტრაციული სამართალდარღვევის ოქსით, ადმინისტრაციულ პასუხისგებაში მიცემული პირის ახსნა-განმარტებით, დაზარალებულისა და მოწმის ჩვენებებით, ექსპერტის დასკვნით, ვიდეოფიქსით ან ფოტოფიქსით, ნივთიერი მტკიცებულებით, ნივთისა და დოკუმენტის ამოღების ოქმით და სხვა დოკუმენტებით. 264-ე მუხლის თანახმად კი ორგანო (თანამდებობის პირი) ადმინისტრაციულ სამართალდარღვევათა საქმეების განხილვისას მოვალეა დაადგინოს: ჩადენილი იყო თუ არა ადმინისტრაციული სამართალდარღვევა, ბრალეულია თუ არა პირი მის ჩადენაში, ექვემდებარება თუ არა იგი ადმინისტრაციულ პასუხისმგებლობას, არის თუ არა პასუხისმგებლობის შემამსუბუქებელი და დამამძიმებელი გარემოებები, მიყენებულია თუ არა ქონებრივი ზარალი, აგრეთვე გამოარკვიოს სხვა გარემოებანი, რომელთაც მნიშვნელობა აქვთ საქმის სწორად გადაწყვეტისათვის.

საქართველოს ენერგეტიკისა და წყალმომარაგების ეროვნული მარეგულირებელი კომისიის 2009 წლის 09 ივლისის #12 დადგენილების მე-9 მუხლის პირველი და მე-6 პუნქტით 1) **ბუნებრივი გაზის უკანონო მოხმარებაში იგულისხმება გამანაწილებელ ქსელზე მოწყობილობების თვითნებურად მიერთება**, შეწყვეტილი ბუნებრივი გაზის მიწოდების თვითნებური აღდგენა, ბუნებრივი გაზის მრიცხველის ბრჯენების განზრახ დაზიანება (აღრიცხვის სიზუსტის დარღვევის შემთხვევაში), ბუნებრივი გაზის მრიცხველის ციფრული მაჩვენებლის გაყალბება, ბუნებრივი გაზის დატაცება, მათ შორის, ბუნებრივი გაზის მრიცხველის (აღრიცხვის სისტემის) გვერდის ავლით ან/და მის გარეშე ბუნებრივი გაზის მოხმარება (გარდა ამ წესებითა და კანონმდებლობით განსაზღვრული შემთხვევებისა). 6) მომხმარებელს, გარდა განაწილების ლიცენზიატისთვის მიყენებული ზიანის კომპენსაციისა, მოქმედი კანონმდებლობის შესაბამისად, შეიძლება დაეკისროს საქართველოს ადმინისტრაციულ სამართალდარღვევათა კოდექსით გათვალისწინებული ადმინისტრაციული სახდელი.

საქართველოს ენერგეტიკისა და წყალმომარაგების ეროვნული მარეგულირებელი კომისიის 2009 წლის 09 ივლისის #12 დადგენილების მე-7 მუხლის მე-9 პუნქტის „გ“ ქვეპუნქტით მომხმარებელი პასუხისმგებელია აღრიცხვის კვანძის, ასევე, მისი შემადგენელი მრიცხველების, დანადგარებისა და სხვა სახის მოწყობილობების შენახვაზე, როდესაც აღრიცხვის კვანძი მოწყობილია მომხმარებლის მფლობელობაში არსებულ დაცულ ტერიტორიაზე

შსს საინფორმაციო ანალიტიკური დეპარტამენტის ცნობით დადგენილია, რომ შპს „სასწავლო აღმზრდელილობითი ცენტრი ჩვენი სახლი“ არ არის ადმინისტრაციულად სახდელდადებული.

საქმის ფაქტობრივი გარემოებების შესწავლის შედეგად, წარმოდგენილი სამართალდარღვევის ოქმის, პირადი ბარათის, გგს აქტის, დალუქვის აქტის, ფოტო და ვიდეო დოკუმენტაციის, ექსპერტიზის დასკვნის, აღრიცხვის კვანძის შემოწმების აქტის საფუძველზე დადგენილად მიმაჩნია, რომ შპს „სასწავლო აღმზრდელობითი ცენტრი ჩვენი სახლი“ს მიერ ჩადენილია ადმინისტრაციული სამართალდარღვევა, ეს უკანასკნელი ბრალეულია მის ჩადენაში, მის მიერ ჩადენილი ქმედება ექვემდებარება ადმინისტრაციულ პასუხისმგებლობას, არ არსებობს პასუხისმგებლობის დამამძიმებელი გარემოებები რის გამოც:

ვიხელმძღვანელებ რა საქართველოს ენერგეტიკისა და წყალმომარაგების ეროვნული მარეგულირებელი კომისიის 2009 წლის 9 ივლისის #12, ამავე კომისიის 14-ე დადგენილების, ადმინისტრაციულ სამართალდარღვევათა კოდექსი მე-8, 10-ე, 96 პირველი პრიმა, 236-ე, 264-ე, მე-200, 228-ე, 236-237-ე, 266-268-ე მუხლებით  
დავადგინე

- 1) შპს „სასწავლო აღმზრდელობითი ცენტრი ჩვენი სახლი“ პ/ს#445437867 (აბ#2114843228) (დირექტორები; ნინო ჯოხაძე 61001038768 და თამარ ჯოხაძე 61001011058) ცნობილი იქნეს ადმინისტრაციულ სამართალდამღვევად და სახდელის სახით დაედოს ადმინისტრაციული სახდელი გაფრთხილება.
- 2) იგივე ქმედება ჩადენილი განმეორებით გამოიწვევს ფიზიკური პირის დაჯარიმებას 100 ლარის ოდენობით, იურიდიული პირის შემთხვევაში 15000 ლარის ოდენობით.
- 3) დადგენილება შესაძლებელი გასაჩივრდეს მისი კანონით დადგენილი წესით ჩაბარებიდან 10 დღის ვადაში საქართველოს ენერგეტიკისა და წყალმომარაგების ეროვნულ მარეგულირებელ კომისიაში. (თბილისი, მიცკევიჩის 19)

უფლებამოსილი პირის ხელმოწერა

